

# ملاك بمخالب

من ديوان / رحله الى العشرينات



للکاتب عبد الوهاب زعزوع

# نبذه مختصره

بين محطات العمر وذكريات لم تكتمل،  
تأتي هذه القصيدة كفصلٍ واحد من  
رواية طويلة.. مشهد عابر نقتبسه من  
'ديوان رحلة إلى العشرينات'، لنعبر به  
جسراً صغيراً نحو عالم من المشاعر  
الصادقة."

جزء صغير من حكاية كبيرة.. من قلب  
'ديوان رحلة إلى العشرينات'، اخترنا لكم  
هذه القصيدة لتكون رفيقة رحلتكم  
اليومية. هي دعوة لمشاركة مشاعر  
العشرين بكل ما فيها من حيرة وأمل

وعيب عليا وهاتها فيا وقول كمان خليك  
لوام وزود في القصص روايات وعيد وزيد  
وزود في القصص حواديت  
هي نجم لامع ساطع مبسوط فرحان وانا  
استسلمت ليكي وبقيت انا البهتان انا  
الهربان ببواقي روعي وعامل ناسي وانتي  
اللي توب الهم عملنيه ع مقاسي  
وحط ايدك قدامهم في النار، نار مزيف ،  
فايقولو دا واد عبيط واد كئيب يجرح فيها  
وياذي فيها وهي الملاك البرئ الطير اللي  
بيطير بدون جناحات ، جناح مزيف قهوه  
ساده بن غامق والدمع اسود مالي العين  
والفراق بان مع سجاره

تقسي فيا وتقول عليا ان انا بتاع روايات  
بتاع حكايات هاتها فيا والصيدا طلع غلبان  
وكله عارف .. في حصنك كنت متغرب  
عبيته الامر كله كنت متفرط

وإذا احتاجتونا متنسوش اننا وحشين زي  
ما قولتواوللناس ، قالولي عليك علاج للبرد  
ازاي وانا البردان ، أشيلك واحطك وارعاك  
واصاحبك وتجري عليهم هما تعالجهم  
وافضل انا العيان

اشمعنا انا اللي قتلتيني بالذات ، لويت  
بوزك لي مش كنت مبتبسم مش كانت  
الصنحكه بتجنن مش كل مره بتسيبي  
تقولي دا النصيب دا واد حنين ، نصيب  
يست نصيب بعد اما عصمي اتدشمل عايزه  
تداري الصهد بالنسمه وارجع تاني من  
الاول اقف ف وش الطوب وارجع اوارب الباب  
من تاني

منا مش غريبه عليا فكره الغربه لاكن  
غريبه اني بقيت بقدر

بقيت قاعد علي القهوه والقهوجي يجي يسألني  
طلباتك .. نفسي ف حاجه نفسها فيا ، نفسي ف  
ريحتها لو تعود ثاني من الاول

وهدور عن الاغاني من ثاني علي قهوه شعبي  
بصوت مزيكا العندليب في وسط البلد سألت  
القهوجي عن الاغنيه قال اعز الناس دندنت مع  
نفسى وقولت وهو حد ينسى اعز الناس

حلمي كان بسيط معاكي بس الواقع خان  
وعارف هتقولو اي مفيش حاجه بتدوم .. بس  
جايز بالجواز تدوم والقلم جف ومفضلش منه  
غير شويه دموع

دنا ناسي سبب الفراق وفاكر تفاصيل إيديها  
والضحكه اللي ف عنيتها وحرکه اديها وقت  
الكلام ونظره عنيتها وقت السكوت ، كنا  
مختلفين كنا معترفين بوجودنا كل الموضوع  
اننا لسانا عايشين

حصنك خوف ومكان وانا بطبعي انسان بخاف من  
النغمه والاغاني والمسكه والاهتمام بخاف  
اتعلق واصدق وبخاف احب وافكر ولما اتشعلت  
فيه سلمتني مفتاحه وقالتلي اتفضل وسلام

كل شئ بقي ماضي كل شئ كان عكسي رغم ان  
كنا مارس .. والشمس حاله اتمرغ في شوقك  
ديسمبر دا عجب جدا بيجي الليل قيه بعياط  
وتصحي الصبح انسان كداب من النعمه ومن يوم  
فات للسكري وذكري بتجري وتلاحقك وخوف بنيته  
وايرادتك وناس بتحب وتفارقك ما أصل الفجر  
حكايات يوفر عليك ذكري الدايات وتصحي الصبح  
في ذكري النهايات

الدنيا ماشيه عكسي نفتكر بعض الاحزان وننسي  
بعض الاحداث الهاند فري كوبايه الشاي ام كلثوم  
اخر الليل قعده صحاب ما هو اصل مش بالمزاج

زي الكمان بدون وترزي الحمام بدون غيه  
الغيه في عينك كانت ليا كانت فضحاكي

رمشك الامن مكنش أمن كان غريق ، حتي قلبك  
كان بعيد يااه لو كل شئ كان حنين مان قريب  
وبقي اقرأي رواياتي لما اموت واحفظيني في  
تابوت واكتبيني بين السطور

يمكن وقتها تحسي الحنين يمكن وقتها تكوني  
بيت

بس ازاي هتكوني بيت من غير أمان من غير  
بواب احصنيني بكل شئ لما أروح يمكن  
تخطي عليا ومتلاقيش غير حبه كلام حبه  
سكات شجره جدورها نامت ل فوق خدوها  
عملوها تبوت لجل السكوت لجل الهدوء

لو كنتي بس تعرفي قد اي الليل مان مخيف ، لو  
كنتي بس تعرفي قد اي حبيك، مريضواستحاله  
افوق ، استحاله اكون بعاني غبار المحاوله بان  
علي وشي رغم اني حاولت ابقى سعيد ..

الغريب اننا عارفين بالنهايه ، احنا كنا بننتصر  
لجل ايه واحنا بنبعد ونسيب مساحه تجري بنا  
معدش لينا طريق يجمعنا وكلميهم عني  
وعيبني فيا

عايزانا نرجع علي اي ي ست كانت دي المحاوله  
الاخيره ، خبيتي لي ايدك السودا بكم وكل  
مقرب المس الكم تقولي حاسب لتخم  
علي اي تداري اُكمن عيني وجعاني اُكمن قلبي  
قال كلام تاني سمحت لنفسي بالغربه سمحتي  
انتي بالمسافات و قولت اُكمل الكدبه علشان  
اُكمل الروايات



واتمني بقي نخلص من الحبكه والإبداع  
وجه الوقت اللي قول فيه يارتنا ما كنا عرفنا بعض  
وسلام

وادي الرواية بتخلص.. والستارة بتنزل بالعرض  
لا النيل هيشفع للهجر.. ولا السما هتصالح  
الأرض

بنيت لك من وجعي قصور.. وهديتي ببرودك السور  
وفضلتني ماشية في الضلمة.. وتلومي فيا إني  
النورا

خلاص مفيش "مرة كمان".. ولا عاد فيه في القلب  
مكان

بقينا زي قطرين.. اتقابلوا صدفة في المحطة  
وكل واحد فينا خان.. ومشى في سكة تانية أوان.  
ياستي كفايكي تمثيل.. الدور ده مش لايق  
عليكي

كان نفسي أشوف فيكي الحقيقة.. بس الحقيقة  
خافت من عينيك

روحي للي يرضى بالبواقي.. والفتات

أنا "بطل" القصة دي.. اللي مات في آخر الحكايات 8

وشك اللي كان جنة.. طلع في الحقيقة سراب  
وقفتي في طابور الوجة.. وباعتيني لأول شاري  
وكنت فاكرك مركب.. أتاري الموج هو داري  
دلوقتي جاية تلمي اللي اتكسر؟  
ده اللي اتكسر في الروح.. مبيصلحوش حتى  
اعتذار البشر.

أنا هحرق الحكايات.. وهعلن إني منك صُمت  
صُمت عن الكلام.. وعن ملامحك البلاستيك  
وعن حصنك اللي كان.. بيخنقني زي الأستيك  
يا ست "كانت".. مفيش في القاموس "هتكون"